



Na osnovu člana 8. stav (1) i člana 13. stav (1) i stav (2) tačka 18) Zakona o principima lokalne samouprave u FBiH ("Službene novine Federacije BiH", br. 49/06 i 51/09) i člana 19. stav (1) tačka 4), člana 141. stav (1) i stav (2) i člana 142. stav (1) tačka 5) Statuta Općine Novo Sarajevo ("Službene novine Kantona Sarajevo", broj: 5/20 - Prečišćeni tekst i 20/20 - Ispravka), Općinsko vijeće Novo Sarajevo, na nastavku 7. redovne sjednice, održanom dana 02.10.2025. godine, donijelo je

ODLUKU

O PROGLAŠENJU UDRUŽENJA „POP ROCK ŠKOLA SARAJEVO“ OD JAVNOG INTERESA ZA OPĆINU NOVO SARAJEVO

Član 1. (Predmet)

Ovom Odlukom Udruženje „Pop Rock Škola Sarajevo“ (u daljem tekstu: Udruženje) proglašava se udruženjem od javnog interesa za Općinu Novo Sarajevo (u daljem tekstu: Općina) u oblasti kulture i umjetnosti.

Član 2. (Oblast djelovanja)

Udruženje je prepoznato od strane Općine kao udruženje koje doprinosi razvoju kulture i umjetnosti na području općine Novo Sarajevo i pruža dodatnu podršku obrazovnom, kulturnom i društvenom djelovanju u općini Novo Sarajevo i šire, kroz savremeno muzičko obrazovanje, očuvanje i promociju pop-rock kulture, te uključivanje djece i mladih u umjetnički, edukativni i socijalno-kreativni rad od značaja za lokalnu zajednicu.

Član 3. (Načini ostvarivanja javnog interesa)

Javni interes iz člana 1. ove Odluke, ostvarivat će se podrškom realizaciji programskih ciljeva i misije Udruženja, te na druge prigodne načine (partnerstvo u zajedničkim manifestacijama, edukativnim i kulturnim projektima na području Općine, posebno onima usmjerenim na djecu i mlade), uključujući i obezbjeđenje finansijskih sredstava u Budžetu Općine, u skladu sa raspoloživim mogućnostima.

Član 4. (Prestanak javnog interesa)

Općinsko vijeće može utvrditi prestanak javnog interesa, iz člana 1. ove Odluke, na prijedlog Općinskog načelnika.

Član 5.
(Stupanje na snagu)

Ova Odluka stupa na snagu osmog dana od dana objavljivanja u "Službenim novinama Kantona Sarajevo", a primjenjivat će se od 01.01.2026. godine.

Broj: 02OV-01-1-9387/25
Datum: 02.10.2025. godine.

PREDSJEDAVAJUĆI
Općinskog vijeća Novo Sarajevo

Mr. sci. Edison Pavlović

Općina Novo Sarajevo, ulica Zmaja od Bosne br. 55, centrala telefon (387 33) 492 100
Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d

